



অবিলম্বে প্রকাশের উদ্দেশ্যে: 10/31/2023

গভর্নর ক্যাথি হোকল

ঘৃণা ও পক্ষপাত অপরাধের বৃদ্ধির পরবর্তীতে, গভর্নর হোকল ঝুঁকিগ্রস্ত সম্প্রদায়সমূহে এবং কলেজ ক্যাম্পাসে নিউ ইয়র্কবাসীদের সুরক্ষিত রাখতে সকল উপলভ্য স্টেট সংস্থান মোতায়েন করলেন

ঘৃণা অপরাধ ও অন্যান্য অপরাধ প্রতিরোধ ও সমাধান করতে স্থানীয় আইন শৃঙ্খলা রক্ষাকারী এজেন্সিসমূহের জন্য 50 মিলিয়ন মার্কিন ডলার অনুদান উপলভ্য থাকবে

ঘৃণা অপরাধ থেকে সম্প্রদায়সমূহকে সুরক্ষিত রাখতে 25 মিলিয়ন মার্কিন ডলারের অনুদান প্রার্থনাগৃহ, কমিউনিটি সেন্টার এবং অন্যান্য ঝুঁকিগ্রস্ত সাইটে নিরাপত্তা প্রদান করেন

গভর্নর CUNY ক্যাম্পাসে ইহুদিবিরোধিতা ও বৈষম্যবিরোধী নীতিমালার সার্বিক পর্যালোচনার কাজ শুরু করতে বিচারপতি জোনাথন লিপম্যানকে দায়িত্ব প্রদান করলেন

স্কুল ও কলেজ ক্যাম্পাসে ঝুঁকির উপর নজরদারি করার জন্য নিউ ইয়র্ক স্টেট পুলিশ সোশ্যাল মিডিয়া বিশ্লেষণ ইউনিট সম্প্রসারিত করবে

নিউ ইয়র্ক স্টেট মানবাধিকার বিভাগ নিউ ইয়র্কবাসীকে একত্রে আনার জন্য কমিউনিটি সার্কেল সমবেত করবে

গভর্নর ক্যাথি হোকল আজকে 7 অক্টোবর হামাস সন্ত্রাসী হামলার পরবর্তী সপ্তাহগুলির ঘৃণা ও পক্ষপাত সংক্রান্ত ঘটনার বৃদ্ধির পরিপ্রেক্ষিতে নিউ ইয়র্কবাসীকে নিরাপদ রাখতে সকল উপলভ্য সংস্থান মোতাবেক করার জন্য পদক্ষেপের একটি সিরিজ ঘোষণা করলেন। নিউ ইয়র্কবাসীদের জন্য প্রদত্ত একটি ভাষণে, ঘৃণা অপরাধ ও অন্যান্য অপরাধ প্রতিরোধ ও সমাধান করতে স্থানীয় আইন শৃঙ্খলা রক্ষাকারী এজেন্সিসমূহের জন্য 50 মিলিয়ন মার্কিন ডলার উপলভ্য করা, ঝুঁকিগ্রস্ত সাম্প্রদায়িক গোষ্ঠী ও সাংস্কৃতিক কেন্দ্রের নিরাপত্তার জন্য 25 মিলিয়ন মার্কিন ডলার তহবিল, নিউ ইয়র্ক স্টেট পুলিশের (New York State Police) সোশ্যাল মিডিয়া বিশ্লেষণ ইউনিট সম্প্রসারণ, এবং মানবাধিকার বিভাগের (Division of Human Rights, DHR) একটি নতুন উদ্যোগের উপর গভর্নর হোকল আলোকপাত করেন। এছাড়াও গভর্নর হোকল ঘোষণা করেন যে, অত্যন্ত সম্মানীয় নিউ ইয়র্কের সাবেক প্রধান বিচারক ও নিউ ইয়র্ক স্টেট আপিল আদালতের

(New York State Court of Appeals) প্রধান বিচারক, বিচারপতি জোনাথন লিপম্যান, নিউ ইয়র্ক সিটি ইউনিভার্সিটির (City University of New York, CUNY) ইহুদিবিরোধিতা এবং বৈষম্য সম্পর্কিত নীতিমালা ও প্রক্রিয়ার উপর একটি স্বাধীন তৃতীয় পক্ষের পর্যালোচনা করবেন।

"আমার শীর্ষ অগ্রাধিকার হলো সকল নিউ ইয়র্কবাসীর নিরাপত্তা ও সুস্থতা রক্ষা করা," **গভর্নর হোকল বলেন।** "আমি স্পষ্ট করে বলছি: আমরা ঘৃণা ও ভীতি প্রদর্শনকে স্বাভাবিক ঘটনায় পরিণত হতে দিতে পারি না। গভর্নর হিসেবে, আমি পুনরায় নিশ্চিত করছি যে নিউ ইয়র্কে ইহুদিবিরোধিতা, ইসলামোফোবিয়া, বা অন্য কোনো প্রকার ঘৃণার কোনো স্থান নেই, এবং নিউ ইয়র্কবাসীকে নিরাপদ রাখতে সম্ভাব্য সকল স্টেট সংস্থান মোতায়েন করা আমাদের জন্য অতি গুরুত্বপূর্ণ।"

"এই মুহূর্তে, একে অন্যের খেয়াল রাখা এবং সকল ব্যাকগ্রাউন্ডের নিউ ইয়র্কবাসী যাতে ঘৃণা থেকে সুরক্ষিত এবং ভালোবাসা দ্বারা সমর্থিত হয় তা নিশ্চিত করা অতি গুরুত্বপূর্ণ," **বলেন লেফটেন্যান্ট গভর্নর অ্যান্টনিও ডেলগাডো।** "আমরা নিশ্চিত করবো যাতে আমাদের পুরো স্টেটের সম্প্রদায়সমূহ নিরাপদ থাকে এবং মানুষ নিজেদের আত্মপ্রকাশে স্বাধীন থাকে।"

**পুরো স্টেটের আইন শৃঙ্খলা রক্ষাকারী এজেন্সিসমূহের জন্য 50 মিলিয়ন মার্কিন ডলার** নিউ ইয়র্ক স্টেট আইন শৃঙ্খলা রক্ষাকারী প্রযুক্তি ও সরঞ্জামের জন্য 50 মিলিয়ন মার্কিন ডলার উপলভ্য করছে যাতে তাদের কর্মকাণ্ড আধুনিকায়িত করা যায় এবং আরো কার্যকরভাবে ঘৃণা অপরাধসহ সকল অপরাধের সমাধান ও প্রতিরোধ করা যায়। নিউ ইয়র্ক স্টেট অপরাধ ন্যায়বিচার সেবা বিভাগের (New York State Division of Criminal Justice Services, DCJS) এই তহবিল পরিচালনা করবে এবং আবেদন জমা দেওয়ার শেষ তারিখ 8 নভেম্বর, 2023, বুধবার। গত ফল মৌসুমে, পুলিশ বিভাগ ও শেরিফের অফিসে কী ধরনের প্রযুক্তি ও সরঞ্জাম প্রয়োজন সে সম্পর্কে তাদের মতামত গ্রহণের পর, [DCJS একটি আবেদনের অনুরোধ](#) জারি করেছে। এজেন্সিগুলো লাইসেন্স প্লেট রিডার, মোবাইল এবং ফিক্সড নজরদারি ক্যামেরা, কম্পিউটার-এডেড ডিসপ্যাচ সিস্টেম, সফটওয়্যার, মনুষ্যবিহীন বিমান, বন্দুক শনাক্তকরণ ডিভাইস এবং টহল যানবাহন এবং পুলিশ কর্মকর্তাদের জন্য স্মার্ট সরঞ্জাম সহ বিভিন্ন সরঞ্জাম এবং প্রযুক্তির জন্য তহবিল চাইতে পারে।

**ঘৃণা অপরাধ থেকে সম্প্রদায়সমূহকে সুরক্ষিত রাখতে 25 মিলিয়ন মার্কিন ডলারের অনুদান**

গভর্নর হোকল ঘোষণা করেছেন যে ঘৃণা অপরাধ থেকে সম্প্রদায়সমূহকে সুরক্ষিত রাখতে (Securing Communities Against Hate Crimes, SCAHC) অতিরিক্ত 25 মিলিয়ন মার্কিন ডলার অনুদান উপলভ্য করা হয়েছে। এছাড়াও দেশে ও বিদেশে চলমান ঘৃণা ও চরমপন্থার কারণে, ভবিষ্যতে SCAHC কর্মসূচির মধ্যে সংযোজন করার জন্য নতুন উদ্ভাবন ও কৌশলের বিকাশ করতে গভর্নর DCJS কে নির্দেশ দিয়েছেন, যেমন সর্বোচ্চ অর্থদানের পরিমাণ বৃদ্ধি করা, আবেদন প্রক্রিয়া, এবং মোতায়েন করা সুরক্ষা সরঞ্জাম ও প্রযুক্তির মূল্যায়ন করা। সম্ভাব্য এই পরিবর্তনগুলি ঘৃণা অপরাধের ঝুঁকিতে থাকা সংগঠনগুলি যেই চাহিদা ও সমস্যার সম্মুখীন হচ্ছে তার সাড়া দান করতে সাহায্য করবে।

জুলাই মাসে গভর্নর মোট 51,680,910 মার্কিন ডলারের 1,081টি প্রকল্পের জন্য স্টেটব্যাপী 497টি সংগঠনকে SCAHC তহবিল প্রদানের সর্বশেষ ঘোষণাটি করেন, যার মধ্যে 187টি সাইবার নিরাপত্তা প্রকল্পের জন্য 8,899,091 মার্কিন ডলার প্রদান করা হবে। DCJS পরিচালিত SCAHC কর্মসূচিটি নিরাপত্তা ব্যবস্থা জোরদার করতে এবং অলাভজনক সম্প্রদায় ও নাগরিক কেন্দ্র, সাংস্কৃতিক জাদুঘর, ডে কেয়ার সেন্টার, এবং নিজেদের মতাদর্শ, বিশ্বাস, বা মিশনের কারণে দুর্বল অন্যান্য অলাভজনক সংগঠনের বিরুদ্ধে ঘৃণা অপরাধ প্রতিরোধ করতে তহবিল প্রদান করে। এই ফান্ডিং বহিরাগত বা অভ্যন্তরীণ নিরাপত্তার উন্নতিতে ব্যবহার করা যেতে পারে, যার মধ্যে সীমিত না হলেও অন্তর্ভুক্ত লাইটিং, তালার ব্যবস্থা, অ্যালার্ম, প্যানিক বোতাম, বেড়া দেওয়া, বেষ্টনীর ব্যবস্থা, অ্যাক্সেস নিয়ন্ত্রণ, অভঙ্গুর কাঁচ এবং ব্লাস্ট-প্রতিরোধী ফিল্ম, জনসাধারণ-মুখী সিস্টেম এবং প্রথমবারের জন্য সাইবার নিরাপত্তা শক্তিশালী করার ব্যবস্থাপনা। এছাড়া তহবিলের আওতার মধ্যে নিরাপত্তা প্রশিক্ষণের সাথে সম্পর্কিত খরচও অন্তর্ভুক্ত থাকতে পারে।

### **ইহুদিবিরোধিতা এবং বৈষম্য সম্পর্কিত CUNY নীতিমালা ও প্রক্রিয়ার তৃতীয় পক্ষের পর্যালোচনা**

CUNY নীতিমালা ও প্রক্রিয়ার পর্যালোচনা, যা করার জন্য গভর্নর হোকল বিচারপতি জোনাথন লিপম্যানকে অনুরোধ করেছেন, এতে থাকবে বৈষম্যবিরোধী নীতিমালা জোরদার করতে এবং ইহুদি শিক্ষার্থী ও অনুষদকে সুরক্ষাদান করতে সাহায্য করার জন্য CUNY ট্রাস্টি বোর্ডের জন্য পদক্ষেপ গ্রহণের সুপারিশ। লাতাম এবং ওয়াটকিন্সের (Latham & Watkins) নিউ ইয়র্ক অফিসের কাউন্সেল, বিচারপতি লিপম্যান এই পর্যালোচনার জন্য তার ফার্মের সমর্থন পাবেন। পর্যালোচনার মধ্যে থাকবে সাক্ষাৎকার, গবেষণা, এবং নিম্নোক্ত বিষয়ে অন্যান্য পরামর্শ:

- ক্যাম্পাসের পরিবেশ, যার মধ্যে থাকবে বিভিন্ন CUNY ক্যাম্পাসে ইহুদিবিরোধী মনোভাব ও দৃষ্টিভঙ্গির মূল্যায়ন।
- ইউনিভার্সিটির বর্তমান নীতিমালা, প্রক্রিয়া, এবং ইহুদিবিরোধী অভিযোগ তদন্তের ব্যবস্থা।
- ইহুদিবিরোধী অভিযোগ এবং অন্যান্য সকল প্রকার বৈষম্যের সমাধানে ইউনিভার্সিটির আচরণের ধারাবাহিকতা।
- বাকস্বাধীনতার অধিকার এবং ইহুদিবিরোধী ছমকি, ভীতি প্রদর্শন, বা বৈষম্যমুক্ত হয়ে শিক্ষার্থীদের শিক্ষালাভের অধিকারের মধ্যকার যথাযথ ভারসাম্য।

বসন্ত মৌসুমে বিচারপতি লিপম্যানের অনুসন্ধানের ফলাফলের প্রতিবেদন পাওয়া যাবে বলে আশা করা যাচ্ছে।

**বিচারপতি জোনাথন লিপম্যান বলেন,** "একজন বিচারপতি এবং উকিল হিসেবে, ন্যায্যতা ও সমতার ন্যায্যবিচারই আমার সবসময়ের প্রথম ও প্রধান উদ্দেশ্য। CUNY এর একাডেমিক সম্প্রদায়ে ইহুদি শিক্ষার্থী এবং অন্য সকলের জন্য ন্যায্যতার সেই ধারণা, এবং ভীতি প্রদর্শন থেকে মুক্তি হবে আমার পর্যালোচনার কেন্দ্রবিন্দু। ইহুদিবিরোধিতা এবং সকল ধরনের বৈষম্য অগ্রহণযোগ্য এবং গুরুত্বপূর্ণ এই কাজের দায়িত্ব যে গভর্নর আমাকে দিয়েছেন তার জন্য আমি সম্মানিত বোধ করছি।"

**হুমকি ও অপরাধ কর্মকাণ্ড সনাক্ত করতে সোশ্যাল মিডিয়া বিশ্লেষণ সম্প্রসারিত করা**  
স্টেটে সংঘটিত বিশ্বাসযোগ্য অপরাধ কর্মকাণ্ড সনাক্ত সহায়তা করার জন্য নিউ ইয়র্ক স্টেট পুলিশ সকলের জন্য উন্মুক্ত সোশ্যাল মিডিয়া কর্মকাণ্ড ও পোস্ট ব্যবহার করে। কিন্তু তথ্যের এই ভাণ্ডার এতো বড় এবং এতো দ্রুত পরিবর্তনশীল যে, যেই অপরাধ সনাক্ত করা ও বন্ধ করা সম্ভব তার মধ্যে খুব সামান্যই স্টেট পুলিশের বর্তমান প্রয়াস দ্বারা সম্ভব হচ্ছে। সকলের জন্য উপলভ্য সোশ্যাল মিডিয়া কর্মকাণ্ড, বিশেষ করে স্কুলে সহিংসতার হুমকি, গ্যাং কর্মকাণ্ড, এবং অবৈধ আগ্নেয়াস্ত্র সম্পর্কিত বিষয়ে দৈনিক বিশ্লেষণ করার জন্য বিশ্লেষকদের একটি দলকে নিয়োগদানের মাধ্যমে নিউ ইয়র্ক স্টেট ইন্টেলিজেন্স সেন্টারের (New York State Intelligence Center, NYSIC) এর সোশ্যাল মিডিয়া বিশ্লেষণ ইউনিটকে (Social Media Analysis Unit) উন্নত করতে গভর্নর হোকল 700,000 মার্কিন ডলার সংযোজনের ঘোষণা করলেন, যাতে করে বিদ্যমান অপরাধ তদন্তের সাথে তথ্যকে সংযুক্ত করা যায়, নতুন তদন্ত শুরু করা যায়, এবং যথাযথ মাঠকর্মীকে হুমকির তথ্য প্রদান করা যায়।

### **কমিউনিটি সার্কেল**

মধ্যপ্রাচ্যের সাম্প্রতিক ঘটনার সাড়াদান হিসেবে, মানবাধিকার বিভাগের ঘৃণা (Division of Human Rights, DHR) ও পক্ষপাত প্রতিরোধ ইউনিট (Hate and Bias Prevention Unit) কমিউনিটি সার্কেলের ব্যবস্থা করবে যেখানে এইসব ঘটনায় সম্প্রদায়ের সদস্যরা কীভাবে প্রভাবিত হয়েছে এবং এটি সহ্য করতে ও এর থেকে নিরাময়ে আমাদের সংগ্রামে কীভাবে একে অন্যকে সাহায্য করা যায় সেই ব্যাপারে আলোচনা করা হবে। সার্কেলগুলি সশরীরে উপস্থিত হওয়ার জন্য হবে এবং সম্প্রদায়ভিত্তিক হবে, যাতে সকলের জন্য নিরাপদ স্থান প্রদান করা যায়।

ঘোষণাটি ইসরায়েলে হামাসের আক্রমণের পর ঘৃণা ও পক্ষপাত অপরাধের বিরুদ্ধে নিরাপত্তা প্রটোকল বর্ধিত করতে গভর্নর হোকলের প্রয়াসের অনুবর্তী। গত সপ্তাহে, গভর্নর হোকল একটি নতুন হটলাইন ও অনলাইন ফর্ম শুরু করার **ঘোষণা প্রদান করেন** যাতে করে নিউ ইয়র্কবাসীরা দ্রুত ঘৃণা ও পক্ষপাতের ঘটনা রিপোর্ট করতে পারে। হামাস সন্ত্রাসী আক্রমণের পর অবিলম্বে গভর্নর হোকল স্বদেশ নিরাপত্তা ও জরুরি সেবা বিভাগের (Division of Homeland Security and Emergency Services) সন্ত্রাসবিরোধী অফিসকে (Office of Counterterrorism) **সক্রিয় করে দেন**, স্টেট পুলিশ কর্তৃক সোশ্যাল মিডিয়া নজরদারি সম্প্রসারণ করেন, এবং উচ্চ ঝুঁকিসম্পন্ন পরিবহন কেন্দ্রে টহলের ব্যবস্থা করতে মেট্রোপলিটন পরিবহন কর্তৃপক্ষতে (Metropolitan Transportation Authority, MTA) ও বন্দর কর্তৃপক্ষের (Port Authority) নেতৃবৃন্দকে নির্দেশ দেন। জুলাই মাসে, গভর্নর হোকল **ঘোষণা করেন** যে ঘৃণা অপরাধের ঝুঁকিতে থাকা সংগঠনসমূহের নিরাপত্তা ও সুরক্ষা উন্নত করতে 51 মিলিয়ন মার্কিন ডলারের বেশি অনুদান তহবিল প্রদান করা হবে।

ভিকটিম সেবা অফিস (Office of Victim Services) স্টেটব্যাপী 239টি ভিকটিম সহায়তা কর্মসূচিকে সমর্থন করে যা অপরাধের ভিকটিম ও ভুক্তভোগী এবং তাদের পরিবারকে সরাসরি সেবা ও সমর্থন প্রদান করবে, এবং সেই সাথে কোনো ব্যক্তির যদি অপরাধ সম্পর্কিত ব্যয় পরিশোধ করার জন্য কোনো সংস্থান না থাকে তাহলে তার ব্যয়পূরণ ও ক্ষতিপূরণ প্রদান করে। আরো তথ্যের জন্য [ovs.ny.gov](http://ovs.ny.gov) ভিজিট করুন।

**নিউ ইয়র্ক স্টেট স্বদেশ নিরাপত্তা ও জরুরি সেবা বিভাগের কমিশনার জ্যাকি ব্রে বলেন,** "নিউ ইয়র্কবাসীকে সুরক্ষিত রাখতে সরকারের সকল পর্যায় ও এজেন্সিসমূহের মধ্যে সমন্বয় অত্যাবশ্যকীয়। বিনিয়োগটি নিউ ইয়র্ক স্টেট এবং FBI এর মধ্যকার অংশীদারিত্বকে জোরদার করবে এবং ঘৃণা সৃষ্ট সহিংসতা কমাতে ও বন্ধ করতে সকলের সক্ষমতা বৃদ্ধি করবে।"

**নিউ ইয়র্ক স্টেট মানবাধিকার বিভাগের কমিশনার মারিয়া এল. ইম্পেরিয়াল বলেন,** "ঘৃণা ও পক্ষপাতমুক্ত এবং সকলের জন্য ভালোবাসায়পূর্ণ, আরো উত্তম একটি নিউ ইয়র্ক গঠনের জন্য মানবাধিকার বিভাগ প্রতিশ্রুতিবদ্ধ। পূর্বের যেকোনো সময়ের থেকে বেশি এখন আমাদেরকে আমাদের সাধারণ মানবতাকে স্বীকৃতি দিতে হবে এবং ঘৃণার বিপক্ষে একত্রিত হতে হবে।"

**নিউ ইয়র্ক স্টেট অপরাধ ন্যায়বিচার সেবা বিভাগের কমিশনার রোসানা রোসাডো বলেন,** "নিউ ইয়র্কে ঘৃণার কোনো স্থান নেই। ঝুঁকিগ্রস্ত সংগঠন এবং নিউ ইয়র্কবাসীকে সুরক্ষিত রাখতে সাহায্য করতে অতি গুরুত্বপূর্ণ তহবিল প্রদান করার জন্য আমার দলের কাজ নিয়ে আমি গর্বিত। ঘৃণা নির্মূল করার জন্য গভর্নর হোকলের নেতৃত্ব ও প্রতিশ্রুতির জন্য, এবং আমাদের স্থানীয় অংশীদারদের কাছে যাতে তাদের সম্প্রদায়কে নিরাপদ রাখতে সাহায্য করার প্রয়োজনীয় সংস্থান থাকে তা নিশ্চিত করতে নিরলসভাবে কাজ করার জন্য তাকে ধন্যবাদ।"

**নিউ ইয়র্ক স্টেট ভিকটিম সেবা অফিসের পরিচালক এলিজাবেথ ক্রোনিন বলেন,** "যেকোনো অপরাধের শিকার হওয়া ভিকটিমদের জন্য পীড়াদায়ক হতে পারে, কিন্তু ঘৃণা অপরাধের শিকার হওয়া একজন ব্যক্তির শারীরিক স্বাস্থ্যের পাশাপাশি তাদের মানসিক স্বাস্থ্যের উপরও একটি বিধ্বংসী প্রভাব ফেলতে পারে। ভিকটিম এবং ভুক্তভোগীদের অগ্রসর হতে সাহায্য করার জন্য আমরা সংস্থান ও সমর্থন প্রদান করি। সকল নিউ ইয়র্কবাসী যাতে আমাদের সড়কে নিরাপদ থাকে তা নিশ্চিত করতে গভর্নর হোকলের প্রতিশ্রুতির আমি প্রশংসা করছি।"

###

আরো সংবাদ এখানে পাওয়া যাবে: [www.governor.ny.gov](http://www.governor.ny.gov)  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসাবস্কাইব করুন](#)